



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

Decretum prorogationis Seßionis.

urn:nbn:de:hbz:466:1-39157

SACROSANCTI OE CVMENICI, ET
GENERALIS CONCILII TRI-
DENTINI,

SESSIO VNDECIMA,

QVÆ EST PRIMA
SVB IVLIO III. PONT. MAXIM.
CELEBRATA KAL. MAII,
M. D. LI.

Decretum de resumendo Concilio.



LACETNE vobis, ad laudem & gloriam
sanctæ & individuæ Trinitatis, Patris, & Fi-
lij, & Spiritus Sancti ad incrementum &
exaltationem fidei & religionis Christianæ,
sacrū œcumenicum & generale Concilium
Tridentinum, iuxta formam & tenorem litterarum San-
ctissimi Domini nostri, refungi debere, & procedendum
esse ad vteriora? Responderunt, PLACET.

Indictio future Sessionis.

PLACETNE vobis, proximam futuram Sessionem ha-
bendam & celebrandam esse in futuris Kalendis Septem-
bris? Responderunt, PLACET.

SESSIO DVODECIMA,

QVÆ EST SECUNDA
SVB IVLIO III. PONT. MAXIM.
CELEBRATA DIE PRIMA
SEPTEMB. M. D. LI.

Decretum prorogationis Sessionis.

SACROSANTA œcumenica, & generalis Tri-
dentina Synodus, in Spiritu Sancto legitimè con-
gregata, praesidentibus in ea eisdem sanctæ Sedis A-
postolice

postolicæ Legato, & Nuncijs, quæ in proximè præterita Sessione sequentem hanc hodie habendam, & ad vltiora procedendum esse decreuerat, cum ob inclivæ Germanicæ nationis, cuius præcipue causa agitur, absentiam, ac non magnam cæterorum Patrum frequentiam procedere hactenus distulerit, de Venerabilium in Christo fratrum, & filiorum suorum, Moguntini & Treuerensis Archiepiscoporum, ac sacri Romani Imperij Principum Electorū, & complurium ipsius aliarumque prouinciarum Episcoporum, sub hanc ipsam diem aduentu in Domino exultas & dignas ipsi omnipotenti Deo agens gratias, firmamque spem coticipiens, quam plurimos alios tam ipsius Germanicæ, quam aliarum nationum Prælatos & sui officij debito & hoc exemplo commotos, propediem esse venturos, futuram Sessionem ad quadragesimam diem, quæ erit undecima mensis Octobris proximè sequentis, indicit; & Concilium ipsum in statu, in quo repetitur, prosequendo, cum in præteritis Sessionibus de septem Sacramentis nouæ Legis in genere, & in specie de Baptismate & Confirmatione definitum fuerit, statuit & decernit de sanctissimæ Eucharistia Sacramento, necnon, quod ad reformationem attinet, de reliquis, quæ ad faciliorem & commodiorem Prælatorum residentiam pertinent, agi & tractari debere; ac monet & hortatur omnes Patres, ut interim, Domini nostri Iesu Christi exemplo, quantum tamen humanitas patietur, iejunijs & orationibus vacent, ut tandem placatus, qui in sæcula sit benedictus, Deus, corda hominum ad veræ suæ fidei agnitionem, &

sanctæ matris Ecclesiæ unitatem, acte-
tæ viuendi normam re-
ducere digne-
tur.

H. 2

SES-